



Uunga siunnersuut: Sermip erngullu avammut nioqqu tissatut atorneqarnissaat pillugu

Inatsisartut inatsisaata allanngortinnissaanut siunnersuut nr. 7 31. maj 2001-imeersoq

(sermip erngullu avammut nioqqu tigini ssaannut inatsit).

(Inuussutissarsiornermut Aatsitassanullu Naalakkersuisoq)

(Siullermeernera)

Demokraatin iluarismaarpalput uani pisumi Naalakkersuisut iliuuseqarasuarsimammata matumanilu katersuunnermi inatsit sukaterussanngorlugu siunissami nilammik imermillu avammut tunisassiornermi Lanskarsi imaalliallaannaq ukapaatinneqarsinnaajunnaarlugu.

Isertuunneqarsinnaagunangilarmi sukaterinermut pissutaammat, immiorfiup Nanoq Beerip, maannakkut pinngitsaaliisummik matuneqarnissaanut suliamut atatillugu paasineqarsimammat, ingerlatseqatigiiffiup royaltiesinik akiliisarsimannginnera.

Imaakkamiuna Nanoq Beer 2011-mi akuerineqarpoq 48.000 literimik imermik avammut nioqqu tissi sinnaasoq. Ingerlatseqatigiiffimmut erseqqissaatigineqarpoq, imermut royaltymik akiliisoqartassasoq, royaltelu 24.000 koruuninik aningaasartaqarpoq. Aningaasalli taakku akilerneqanngisaannarsimapput aammalu qularnarpoq akiliissasoq maannakkut Nanoq Beer pinngitsaaliisummik matuneqalermat.

Tamanna kanngunartulioruvoq sakkortusarneqarporlu qinikkat Siumumeersut Atassummeersullu nuimasut ingerlatseqatigiiffiup siulorsorneqarnerani/imaluunniit piginnittuinut ilaammata.

Demokraatin ilungersunartutut isigaarput suliami uani qinikkat inatsisit peqqussutilu allanut tamanut atuuttut sumiginnarsimammatigit. Paasi uminaalluinnarpoq pisoq pillugu partiit pineqartut ilaasortaminnut taakkununnga nuimasunut sunnguamilluunniit



qisuariarsimanngilluinnarmata.

Taamatulli oqareerluta Demokraatini nuannaarutigaarput mannakkut sukaterisoqarmat taamaakkaluartorli inuiaqatigiit royalty akiliutaasussaagaluaq takunngitsoortussanngorpaat taamatullu aamma tamanna qallerlugu nunatsinni malittarisassat Siumumi Atassummilu ilaasortanit nuimasunit unioqqutinnejarujussuarput.

Taamatut oqaaseqarluta siunnersuut ataatsimiitaliamut susassaqartumut innersuupparput.